



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens omnia Gavanti Commentaria in Rubricas Breviarii - Cum
Indicibus Decretorum, Rerum atque Verborum notabilium

Merati, Gaetano Maria

Augustæ Vindelicorum, 1740

VD18 10783695-002

De Absolutionibus, & Benedictionibus. XI.

urn:nbn:de:hbz:466:1-39775

Novæ Observationes, & Additiones ad Gavanti

Cap. XI. De Absolutionibus & Benedictionibus.

I. Gavant. pag. 63. col. 1. n. 1. -- *Vel quia simul cum Oratione Dominica petimus &c.)* Dicto Versu, ejusque Responsorio ab universo cœtu, intonatur ab Hebdomadario *Pater noster*, quod ab eodem secretō dicitur usque ad v. *Et ne nos inducas in temptationem*, cui totus Chorus respondet alta voce: *Sed libera nos à malo*; deinde Hebdomadarius procedit ad dicendam Absolutionem, & Benedictiones, prout suo loco in Breviario describitur.

Olim nihil horum recitari solebat, ut colligitur ex Regula S. Benedicti, ait Grancolas lib. 1. cap. 31. verū in Regula S. Benedicti cap. 9. diserte præscribitur, quod ante Lectionem à Lectore dicendam, statim, dicto Versu, Abbas benedicat; & explicando hanc Benedictionem ab Abbe impertinendam, ait Smaragdus, id est, post v. à Cantante dictum, dicat Abbas: *Precibus omnium Sanctorum suorum salvet, & benedic nos Dominus*. Hæc est, ait Martene, brevis illa preatio, quam Absolutionem vocamus, & præcedit Oratione Dominicæ, sequiturque Benedictionis petitio à Lectore, quæ omnia sub Benedictionis nomine complecti videtur Bernardus Cassinensis in hunc locum Regulæ Benedictinæ sic scribens: *nam Abbas antequam ligantur Lectiones, Dominicam præmitit Orationem. Postmodum aliquam aliam Orationem præmitit, videlicet: A vinculis peccatorum &c. Lectore vero Benedictionem postulante per illud, scilicet: Tuge Domine benedice, tunc dat Benedictionem Abbas*. Hæc laudatus Bernardus Cassinensis, quæ quidem omnia minutatim (subiectit Martene dicta verba referens) S. Benedictus haud exposuit, quia ex usu satis nota esse existimavit; si tamen usus fuerit S. Benedicti tempore Lectionibus præmittere Orationem Dominicam,

quam Boherius, uti & Absolutionem, præter Regulæ præscriptum additas esse censuit. Et equidem Cistercienses utramque omitunt, ut tradit Bona lib. supradict. cap. 18. §. 4. Videtur tamen usus ille antiquissimus, ad quem fortè, ut ait Martene, respexit Capitulum V. Monachorum Sangallensium decernens. Ut dictis sex Psalmis primis ad Nocturnum, genua non inflectant, sed stantes orent. Prædicti Ritus antiquitas colligitur etiam ex Divo Ambrofio in Ecclesia Mediolanensi, qui lib. 3. de Virgin. ait: *Volo post Psalmos cum Oratione Dominicæ frequenti contexas voce; eadem Oratio claudebat Nocturnum*. Præmonstratenses quoque post quolibet Nocturnum dicunt quidem *Pater*, sed nullam habent Absolutionem, & in Carthusianorum Breviario hodierno habetur, *Pater, & Ave Maria*, post quæ dicitur, *Et ne nos &c. . . . atque inde Absolutio*. In Defunctionum Officio Versiculus tantum est, & *Pater*, sicut etiam in Officio trium dierum ante Pascha. In Ecclesia tamen Romana Ritus dicendi Orationem Dominicam post Psalmos Nocturnales non est profecto antiquus, nam Amalarius, qui floruit Seculo IX. lib. 3. cap. 6. testatur, Romæ sua aetate nondum *Pater* ad Psalmorum finem, ut in Gallia, recitatum fuisse: *Quod nos Galli finitis Psalmis Nocturnalibus, solemus cantare Orationem Dominicam, Romana Ecclesia prætermittit*.

II. Gavant. pag. 63. col. 1. n. 2. -- *Verum appellat ipsammet quoque Absolutionem &c.)* Absolutio, quæ profertur ab Hebdomadario, & quæ sequitur post prædictam Orationem Dominicam, est alia brevis Oratione, quæ pro quolibet Nocturno describitur in Breviario, & ita dicitur, nimurum Absolutio, *ab absoluenda prece, vel dicendum cum Gavanto, tri-*



plicem illam Orationem, Absolutiones appellari, sumpta denominatione à nobiliori, quæ dicitur post recitatos Psalmos tertii Nocturni, in qua continentur ea verba: *A vinculis peccatorum nostrorum absolvat nos &c.*

III. Gavant. pag. 63. col. 1. n. 3. - Lector petit Benedictionem &c.) Juxta veterem disciplinam Lector destinatus ad legendam Lectionem, antequam inciperet, ab Abbatore Benedictionem petebat verbis istis: *Benedic Pater*; ut colligitur ex initio Sermonum S. Ephrem. Refert S. Gregorius Turonensis de Miraculis S. Mart. lib. 3. S. Ambrosum Lectiones incipi noluisse, nisi Lectori prius ipse signum daret: *Cui celebranti ita trai consuetudo, ut veniens Lector, non ante legere prasumeret, quam Sanctus ei jussisset.* Cum autem die quadam Sanctus iste obdormivisset, Lectorque ad legendum paratus esset, *jubeat*, inquit, *Dominus Lectori Lectionem legere.* Ex quo loco patet origo hujuscem Ritus, nempe petendi Benedictionem his verbis: *Jube Domine benedire: cujus antiquitatem ostendit Gretserus tom. 2. de Cruce in Orat.* De hac petendi Benedictionis formula ita scribit Petrus Damiani lib. de Dominus vobiscum cap. 2. - Lecturus magnæ humilitatis gratia non à Sacerdote, sed ab eo, cui Sacerdos jussirerit, se postulat benedic, dicens: *Jube Domine benedicere, Sacerdos autem, ut tantæ humilitatis vicem reddat, non subjecto cuiquam benedicendi delegat Officium, non per semetipsum Benedictionem dare præsumit, sed prius, ut à Deo, qui est super omnia benedictus, erogetur, exposcit.*

IV. Gavant. pag. 63. col. 2. n. 4. - *Quod ille, qui solus Officium recitat, debet dicere Jube Domine, &c.)* Juxta Rubricas Lector dicere debet *Jube Domine*, non *Jube Domine*, quia hic Dei Titulus est, ille autem Hominis præclarus; & solus Episcopus dicit *Jube Domine benedicere*, & non *Domine*, cui absolute respondetur per Chorum, *Amen*. Si vero adesset Legatus, aut aliquis Praelatus

major, tunc Episcopus versus ad illum petret Benedictionem, ille vero stans in loco suo responderet: *Ad societatem Civium &c. vel per Evangelica dicta &c.* Factis tamen prius mutuis reverentiis inter Episcopum, & Legatum, seu alium Praelatum majorem Episcopo: ita Ceremoniale Episcoporum lib. 2. cap. 5. n. 9. Oritur tamen dubium, utrum, qui recitat solus Officium, dicere debeat *Jube Domine &c.* sicut dicit Sacerdos hoc idem in Missa privata ante Evangelium, & verè par est ratio, ait Gavantus, usus tamen non est idem. Petrus Damiani lib. 3. de Virgin. agit de nonnullis Eremiculis dubitantibus, an cùm soli Officium recitarent, benedictionem pro Lectionibus petere deberent, atque dicere *Jube Domine*, vel ante Orationem *Dominus vobiscum*; ad quem enim, aiebant illi, verba ista dirigemus; hum ad lapides, atque Tabulas istas Cella nostra; Alii vero ne adversus Regulae mores peccarent, timebant. Idem Petrus Damiani libellum conscripsit, quo predictorum dubitationem resolvit, dicendo: Officium cum singillatim dicitur, eodem semper pacto recitandum esse, ac si in communi orantes psallerent. Ille enim, inquit ipse, qui Officium Canonicum recitat, totius Ecclesie nomine orat, atque loquitur, eamque representat, alias omnia, quæ plurali numero pronunciantur, essent resecanda, veluti Invitatorium: *Venite, exultemus, atque etiam Oremus;* & Ecclesiæ Doctores aliud Officium pro singularibus hominibus, aliud pro eorumdem coetibus, seu Conventibus instituerunt, quod cùm non fecerint, eodem semper modo recitandum sane est Divinum Officium.

Circa modum petendi præfatam benedictionem præscribit Ceremoniale Clericorum Regularium S. Pauli lib. 1. cap. 10. Tit. De Lectoribus, quod illi, qui destinati sunt ad legendas Lectiones, tempore debito à suo loco discedant, manibus, non quidem junctis, sed tamen ante pectus rite compotis;

ad



ad Lectorile autem appropinantes, versus Sanctissimum Sacramentum genuflectant, & postquam surrexerint (dicentes: *Jube Domine bene dicere*,) manibus junctis vertent se ad Hebdomadarium, sed non toto Corpore, ita ut terga non vertant Altari, & Sacerdotes quidem se tantum inclinabunt, alii autem genuflectent; ita autem manebunt inclinati, seu genuflexi respectivè, donec Hebdomadarius stans omnia Benedictionis verba protulerit, imò non incipient etiam Lectionem, antequam omnes considerint.

Ad Lectorile recitabunt Lectiones, manibus hinc inde super Librum positis, etiam cum Evangelii Textum legunt, sed si legerint nocturnis horis, lumen ipsi manu dextra tenebunt, & sinistra supra librum posita, cum dicunt in fine: *Tu autem &c.* Caput inclinabunt versus Altare. Redituri ad locum suum, prius genuflectent, postea ad Superiorem se inclinabunt, id quod praestare debent etiam antequam accedant ad Lectorile infra gradus sedilium.

Juxta tamen dispositionem Castaldi in nostro Ceremoniali lib. 1. cap. 34. num. 2. & 3. semper Lector etiam Clericus sit, non genuflexus, sed inclinatus tantum versus Celebralem manet proferendo illa verba: *Jube Domine benedic e*, & sic perseverat, donec ab illo stante proferatur benedictio. Et in fine cujuscunque Lectionis, cum dicatur est, *Tu autem Domine &c.* genuflectit, & ibidem afferit auctoritates nonnullorum Ceremonialium, necnon Gavanti sect. 10. cap. 2. num. 8. Corsetti tract. 1. cap. 19. num. 2. & denique Bauldry part. 2. cap. 15. num. 3. dicentis: *Genuflectendum à Lectore in fine Lectionis dicente Tu autem Domine &c. ad quasunque Lectiones, excepto Celebrante parato.*

Advertendum igitur est ab omnibus, ait citatus Maggius, genuflexionem, finita Lectione, non fieri ob Sanctissimum Sacramentum, quod Lector à Legili tunc discedat, sed quod verba ipsa, quæ tunc in fine pronunciantur, eam demissionem depositant, ut colligitur ex Cerem. Episc. lib. 2. cap. 6. ubi sic ait: *Lector iam dicit Tu autem Domine, in fine Lectionis genuflectit, si non est Canonicus, & factis debitis reverenter ius, qui in Choro existunt, discedit.* Ceterum quia Ceremoniale Episcoporum supponit Canonicum, vel Beneficiatum recitare tantum unam Lectionem, & non tres; ideo in tali casu Z 3 in-



inclinationem, seu genuflexionem fieri post recitatam, sive decantatam Lectionem disponit; Quando vero unus dicit tres Lectiones, ad duas primas debet profunde inclinare caput; ad ultimam tamen quia debet discedere, si non est Canonicus, debet genuflectere, si vero est Canonicus, debet tantum se profundè inclinare, supponitur enim, non adesse Sanctissimum Sacramentum, alias etiam Canonici deberent genuflectere.

Super hac re iterum Sermonem habebimus in suo proprio loco, nimirum in nostris Observationibus ad sequens Caput nostri Gavanti sub num. XIII.

V. Gavant. pag. 63. col. 2. n. 6. -- *Absolutionibus concordant Benedictiones, nisi Lectiones sint de Homilia, vel de Sancto &c.)* Quænam Benedictiones impertiendæ sint diebus Ferialibus ab Hebdomadario, seu Celebrante, & in Festis Sanctorum, iis, qui recitare debent Lectiones, satis liquet ex Rubricis Breviariorum Romano præfixis: superest solùm, ut hic exhibeamus aliqua S. R. C. Decreta pertinentia ad hanc rem.

In Officiis Sanctorum concessis Regulæribus infra annum, putè Conceptionis, S. Francisci &c. sicut etiam in Officiis Translationum, Octava Benedictio erit: *Cujus Festum colimus &c.* ita S. R. C. 23. Septembbris 1665. & datur in nostro Indice sub num. 91. cum aliò ibi indicato.

Decretum simile huic affertur à Pitono, & à Fagioli emanatum die 13. Febr. 1666, quo sanctum fuit, ut ad Octavam Benedictionem in Festo Conversionis S. Pauli Apostoli, non dicatur: *Cujus Conversionem;* sed, *cujus Festum colimus.* Sed hoc Decretum in Regestis non reperitur, verum quidem est, quod ex anteriori Decreto hoc pariter inferri potest.

Ex quibus S. C. Statutis patet, quid faciendum sit in Officiis Translationis, Apparitionis, Ordinationis, Inventionis, & similium: & hoc etiam observatur in Rubricis Breviariorum Conventualium, nec non Cappucinorum.

Denique sub die 13. Septembbris 1692. emanavit sequens Decretum positum in nostro Indice sub num. 173. nimirum. Ubi celebratur Festum S. Raphaëlis Archangeli, ad Octavam Benedictionem dicatur: *Cujus Festum colimus,* non verbè: *Quorum Festum colimus.* Et ita etiam habetur in fine Breviariorum Romani inter Festæ aliquibus locis concessa. Ratio hujus Decreti est, quia in Officio S. Raphaëlis, (sicut etiam in Officio S. Gabrielis) imploratur, & invocatur ejus solius auxilium, sed quia in Festo S. Michaelis imploratur Patrocinium omnium Angelorum, idcirco ad Octavam Benedictionem tunc dicitur: *quorum Festum colimus &c.*

De Lectionibus. XXVI.

R U B R I C A.

- 1 *Lectiones leguntur ad Mattutinum dictu Psalmis Nocturnorum cum Antiphonis Versibus, Absolutionibus quoque, & Benedictionibus, ut supra. In Duplicationibus & Semiduplicibus dicuntur novem Lectiones, id est, in quolibet Nocturno tres: in Feriis, & Festis simplicibus leguntur tantum tres Lectiones.*
- 2 *In Officio novem Lectionum dicuntur hoc modo. In primo Nocturno semper leguntur tres Lectiones de Scriptura, quæ, quando suis locis propriæ, aut de Communione Sanctorum, non assignantur, semper leguntur ut in Officio de Tempore, quæ sua quaque die occurrunt legenda. In secundo Nocturno, si fit de Sancto, tres Lectiones.*

- Etiones leguntur de vita Sancti, vel de aliquo Sermone aut Tractatu, qui ei conuenit; quae si non ad sint proprie, leguntur ex Communi Sanctorum. Ex quo etiam Communi compleetur numerus trium Lectionum, quando Officium fit novem Lectionum de aliquo Sancto, qui habet tantum unam, vel duas Lectiones proprias. Si fit de Dominica, vel de alio Officio novem Lectionum per annum, etiam de Octava, leguntur tres Lectiones de Sermone aut Tractatu, qui in illis ponitur. In tertio nocturno semper leguntur tres Lectiones de Homilia in Evangelium, posse in Proprio, aut ex Communi assignatae; & prima Lectione de Homilia semper praeponitur principium Evangelii, de quo est Homilia, etiam infra Octavas. Excipiuntur ab hoc ordinario Lectionum, Matutina tenebrarum ante Pascha, & Defunctorum, ut in suis Officiis ponitur.
- 3 Si in Officio novem Lectionum, in quo non dicitur nonum Responsorium, contingat fieri Commemorationem de aliquo Sancto, qui propriam habet Lectionem, nona Lectio legitur de Sancto: si habuerit duas Lectiones, ex duabus fiat una Lectio, omissa nona Lectione in dicto Officio novem Lectionum; vel Octavae Lectioni adjuncta. Quod si eodem die occurrat Dominica vel Feria, qua habeat Homiliam, nona Lectio Sancti omittitur, & ejus loco legitur Homilia Dominicæ vel Feriae, scilicet, vel prima Lectio de Homilia, vel tres simul in unam Lectionem conjuncte.
- 4 In Officio trium Lectionum, si fit de Feria, tres Lectiones dicuntur de Scriptura; nisi tres sint de Homilia, quia tunc omisssis Lectionibus de Scriptura, leguntur de Homilia. Si fit de Sancto, qui habeat duas Lectiones, prima tantum erit de Scriptura, ut vel legatur una, vel ex tribus simul junctis fiat una: secunda & tertia de Sancto. Si unam tantum habuerit vel propriam, vel ex Communi assignatam, prima & secunda erunt de Scriptura, tertia de Sancto: quod etiam servatur in Officio Beate Marie in Sabbato.
- 5 Lectiones autem de Scriptura in Officio de Tempore sic distributa sunt per annum, ut quotidie aliquid ex ea legatur, etiam in Officio de Sanctis, quando aliae (ut dictum est) non assignantur.
- 6 Initia librorum sacrae Scriptura (qui ferè semper in Dominicis inchoantur) eo die ponuntur, quo notata sunt, etiam si fiat Officium de Sancto; nisi in Festo aliæ propriæ Lectiones Scriptura vel de Communi assignentur: tunc enim initium Lectionis de Scriptura transfertur in sequentem diem similiter non impeditam: & Lectiones illi diei de eadem Scriptura assignatae, vel cum superioribus Lectionibus legantur, vel omittantur: ita ut non oporteat eas amplius in alio sequenti die resume re, sed ille legantur, que sua quaque die occurrent, aut cum eisdem jungantur, quod semper servetur, quando Lectiones occurrentes de Scriptura aliquo die omittuntur.
- 7 Cum autem initium alicujus Epistola catholicae tempore Paschali, aut alicujus Prophetæ minoris mense Novemb. infra Hebdomadam illorum temporum impeditur ali.



aliquo Festo novem Lectionum babente proprias Lectiones de Scriptura, dictum initium Epistole & Prophetæ, quoad commode fieri poterit, ponatur in sequenti Feria, alio simili initio Scripture ponendo, vel Festo non impedita; alioquin in praecedenti similiter non impedita, ita ut aliquo modo ponatur, etiam si plura initia eodem die poni oporteat.

8 De Scriptura quoque tantum est positum, quantum satis videtur pro numero Hebdomadarum, que esse possunt & inter Epiphaniam, & Septuagesimam, & inter Pentecosten & Adventum. Ubi verò contingit minui numerum Dominicarum & Hebdomadarum post Epiphaniam, adveniente Dominicâ Septuagesimâ, quod superest de Epistolis Beati Pauli, que distributæ sunt pro numero dictarum Dominicarum & Hebdomadarum, eo anno omittitur, quamvis de aliquibus Epistolis nihil sit lectum. Quod etiam fit de Scriptura ex libris Regum (de quibus legitur ab Octava Pentecostes usque ad Dominicam primam Augusti) cùm non expletur numerus Dominicarum post Pentecosten de eis libris annotatus usque ad mensem Augusti: quia tunc Lectionibus de his libris omissis, legitur de Scriptura, que ponitur mense Augusti. Quòd si fiat de aliqua Dominica post Epiphaniam anticipatè in Feria, eo modo, quo dictum est de Dominicis num. 4. & 5. tunc post Officium Dominicæ anticipatae in sequentibus diebus legatur de Epistolis S. Pauli signatis Dominicæ anticipatae & sequentibus Feriis, omissis aliis, que sunt signatae praecedenti Hebdomada. Quid autem observandum sit, cùm mensis, cui quinque Dominicæ assignantur, non habuerit nisi quatuor, in propriis locis notatur.

9 Lectiones de Scriptura posita in Communi Sanctorum, leguntur in Festis, ubi assignantur in Proprio Sanctorum per annum: Rursus quando aliquod Festum in Propria Ecclesia sollemniter celebratur: Item quando aliquod Festum novem Lectionum occurrit in Quadragesima & Quatuor temporibus, in secunda Feria Rogationum & in Vigilia Ascensionis; in quibus Feriis in Officio de Tempore non assignantur Lectiones de Scriptura, sed de Homilia: tunc enim in Festis recurrendum est ad Lectiones de Scriptura positas in Communi Sanctorum. Quòd si in aliquibus ex supradictis Feriis occurrat dies Octava alicujus Festi habentis Octavam, tunc in primo Nocturno diei Octavae repeatantur Lectiones, quæ in primo Nocturno Festi lecta fuerunt; si vero occurrat dies infra Octavam, tunc sumuntur de Communi. Alia Lectiones ij. & iij. Nocturni posita in Communi Sanctorum similiter leguntur, quando in proprio Sanctorum assignantur, & quando in aliqua Ecclesia aliquod Festum celebratur cum novem Lectionibus, quia in ea est sollempne, aut consuetum in ea celebrari, quod proprias & approbatas de Feste Lectiones non habuerit.

10 Lectiones primi Nocturni leguntur cum titulo libri, ex quo sumuntur, nisi aliter in propriis locis notetur. Lectiones etiam ii. Nocturni, quando sunt ex aliquo Sermonе vel tractatu, leguntur cum titulo & nomine auctoris; alias mini-

minimè. Et similiter in iii. Nocturno præponitur titulus auctoris, cuius est Homilia.

¶ In fine cujusque Lectionis dicitur: Tu autem Domine miserere nobis; & respondetur: Deo gratias: quod etiam fit in Lectionibus brevibus in principio Completorii, & in fine Prima post Pretiosâ, praterquam in triduo majoris Hebdomadae ante Pascha, & in Officio Defunctorum, ut suis locis ponitur.

Novæ Observations, & Additiones ad Gavanti

Cap. XII. De Lectionibus.

I. Gavant, pag. 64. col. 1. n. 3. -- In Concilio Laodicensi decreta fuit Lectio post Psalmos &c.) Quamvis in Laodicensi Concilio Anno 320. celebrato decretum fuerit, ut Psalmorum recitationem sequeretur Lectio, incertum tamen est, utrum Roma olim sollemne fuerit, in noctis Officio fieri Lectiones, sicut certum est, solitas fieri in Missa; Theodemarus siquidem, Abbas Cassinensis, seu Paulus Diaconus ejus nomine in Epistola ad Carolum Magnum quæstiōne proposita, cur S. Benedictus unam tantum in Aestate Lectionem dici p̄ceperit, hanc affert causam: quia needum eo tempore in Romana Ecclesia, sicut nunc leguntur, Sacras Scripturas legi mos fuerit; sed post aliquot tempora hoc institutum, sive à B. Papa Gregorio, sive, ut ab aliis affirmatur, ab Honorio. Qua de re, addit Theodemarus, nostri Adajores instituerunt, ut in hoc sacro nostro Cenobio tres quotidianis diebus istivo tempore ex veteri Testamento Lectiones legantur, ne à Santa Romana Ecclesia dispare viderentur. Verum de Theodemari priori sententia, scilicet Sacras Scripturas in Romana Ecclesia tempore S. Benedicti lectas non fuisse, legitima dubitandi ratio est, ut ait Johannes Mebillon in disquisit. de cursu Gallicani num. 9. non enim verisimile est, aut nullas tunc in Divinis Officiis Lectiones, aut si aliquæ ex aliis, non etiam ex Sacra Scriptura institutas fuissent: Gelasius enim Papa I. definiens in Concilio Romano, qui libri legendi essent, quive non legendi, id de Lectione eorum publica in Ecclesia decre-

Gavant. Rubr. Brev.

uisse videtur; accedit, quod Gregorius Magnus in Synodo Romana statutum edidit, ne imposterum Diaconi Cantorum Officio fungerentur, solumque Evangelium in Missa cantarent, reliquæ verò Lectiones à Subdiaconis persolverentur. Qua de re, inquit, praesenti Decreto constituo, ut in sede hac Sacris Altaris Ministri cantare non debeant, solumque Evangelica Lectionis Officium inter Missarum sollemnia exsolvant, Psalmos vero, ac reliquias Lectiones censeo per Subdiaconos, vel, si necessitas exigit, per minores ordines exhiberi. Legitur hoc Decretum lib. 4. epist. 44. Quare cum Gregorius prohibeat Diaconos, ne imposterum Lectiones canant, & abusum super hac re introductum arguat, manifestum est, Lectiones jam ante Gregorii tempora in Ecclesia Romana usitatas fuissent. Cum autem Romæ hæc consuetudo cœpit, servatus fuit suprà allegati Laodicensis Conciliū Can. 17. præscribens fieri Lectionem per singulos Psalmos, quod in Conventu Fidelium nequam Psalms coniuare conveniat, sed per intervallum, id est, per Psalmos singulos recenserit debeat Lectiones; ita Canonem verit Dionysius exiguis. Hinc est, quod Roma Festis illis, quæ in Matutinis novem Psalmos habent, novem quoque Lectiones assignatae sint; Lectiones autem istæ legebantur, donec qui Choro præsidebat, lignum daret terminandi. Juxta Ritum verò, seu Regulam S. Benedicti Lectiones à Monachis per vices, & alternatim recitabantur, id est, nunc iste, nunc ille, ut notat Smaragdus

A a

in

